

— Ընթրիք չեմ անելու, — ասաց նա Կօրնէյին, որ նրա յետիւց մտաւ սեղանատուն, ուր սեղան էր քցուած ու թէյ էր պատրաստուած: — Դուք գնացէք:

— Լսում եմ, — ասաց Կօրնէյը, բայց չը գնաց, այլ սկսեց սեղանը հաւաքել: Նեխիլեզովը նայում էր Կօրնէյի վրայ և չար զգացմունք էր զգում դէպի նա: Նա ուզում էր, որ բոլորը հանգիստ թողնեն իրան, բայց, ինչպէս թւում էր նրան, բոլորը կարծես խօսք էինք կապել, նրան չարացնելու համար, ձեռք չը քաշել նրանից: Երբ Կօրնէյը ամանները տարաւ, Նեխիլեզովը ուզեց մօտենալ սամօվարին ու թէյ գցել, բայց, լսելով Ագրաֆենա Պետրօֆնայի քայլերը, շտապով գնաց հիւրասենեակը ու դուռը փակեց յետիւց, որպէս զի չը տեսնէր նրան: Այդ հիւրասենեակը այն սենեակն էր, ուր երեք ամիս առաջ մեռել էր նրա մայրը: Այժմ մտնելով այդ սենեակը, որ լուսաւորուած էր երկու ցոլացիկաւոր լամպերով, — մէկը՝ հօր, միւսը՝ մօր պատկերների մօտ, — նա յիշեց այն յարաբերութիւնը, որ ինքը վերջին ժամանակները ունէր դէպի մայրը, և այդ յարաբերութիւնը անընական թուաց նրան և զգուելի: Այդ էլ ամօթ և խայտառակութիւն էր: Նա յիշեց, թէ ինչպէս մօր հիւանդութեան վերջին միջոցները ինքը ուղղակի ցանկանում էր, որ նա մեռնի: Նա ասում էր ինքն իրան, թէ ուզում է նրա մեռնելը, որպէս զի նա ազատուի տանջանքներից, բայց իսկապէս ուզում էր այդ բանը, որպէս զի ինքը ազատուէր նրա տանջանքները տեսնելուց:

Գանկանալով լաւ յիշողութիւն դարթեցնել իր մէջ մօր մասին, նա նայեց նրա կենդանագրին, որ 5000 ռուբլով քաշել էր մի հռչակաւոր նկարիչ: Նա նկարուած էր թաւիչ սև հագուստով և բաց կրծքով: Նկարիչը, ակներևաբար, առանձին ջանք էր գործ դրել կուրծքը, ծծերի արանքը և շլացուցիչ գեղեցկութիւն ունեցող ուսերն ու վիզը քաշելիս: Այդ արդէն բոլորովին ամօթալի ու խայտառակ բան էր: Ինչ-որ զգուելի և սրբապիղծ բան կար նրանում, որ նկարում մայրը դուրս էր բերուած իբրև կիսամերկ գեղեցկուհի, զգուելի մասնաւանդ այն պատճառով, որ երեք ամիս առաջ նոյն սենեակում պառկած էր նոյն կիներ, որ չորացել էր, եգիպտական մուսիայի նման, և չը նայելով դրան, ոչ միայն այդ սենեակը, այլ և ամբողջ տունը լրցւել էր այնպիսի տանջող ծանր հոտով, որ ոչ մի միջոցով չէր կարելի լինում վերացնել: Նեխիլեզովին թւում էր, թէ ինքը այժմ էլ զգում է այդ հոտը: Եւ նրա միտքն եկաւ, թէ ինչպէս մայրը, մահիցը մի օր առաջ, բռնելով նրա ուժեղ, սպիտակ ձեռքը իր սա-

կրօտ ու սեացող ձեռքով, նայեց աչքերին ու ասաց՝ «Մի դատապարտիր ինձ, Միտեա, եթէ պէտք եղածի պէս չեմ վարուել» և տանջանքներից գունաթափ աչքերը արտասուակալեցին: «Ինչ զգուելի բան է», կրկին ասաց Նեխիլեզովը ինքն իրան, նայելով այդ հոյակապ մարմարակերպ ուսերով ու կոններով և յաղթական ժպիտով կիսամերկ կնոջը: Պատկերի մերկ կուրծքը յիշեցրեց նրան մի ուրիշ ջահէլ կին, որին այդ օրերը նա տեսել էր նոյնպէս կրծքաբաց: Միսսին էր այդ, որ մի պատրուակ հնարելով կանչել էր նրան մի երեկոյ իրանց մօտ, որպէս զի նա տեսնէր իրան կրծքաբաց զգեստով, որով ինքը գնալու էր պարահանդէս: Նեխիլեզովը զգուանքով մտաբերեց նրա գեղեցիկ ուսերն ու կոնները: Եւ նրա կողքի, անասնաբարոյ հայրը իր անցեալով, իր անգթութեամբ, և այդ կասկածելի հոշակ վայելող bel esprit մայրը: Այդ բոլորը զգուելի էր և միևնոյն ժամանակ ամօթալի: Ամօթալի և խայտառակ, խայտառակ և ամօթալի:

«Ձէ, չէ,—մտածում էր նա,—պէտք է ազատուել. ազատուել այս բոլոր կեղծ ու պատիր յարաբերութիւններից թէ դէպի Կօրչագիրները, թէ դէպի Մարիա Վասիլիսիւնան, թէ դէպի մնացեալ ամեն ինչ... Այո, ազատ շունչ քաշել: Գնալ արտասահման, Հռոմ, զբաղուել նկարով:—Նա յիշեց իր կասկածները իր տաղանդի վերաբերմամբ:—Թող այդպէս լինի, միևնոյն է, թէ կուզ հէնց միմիայն ազատ շունչ քաշել: Նախ մտնել Պօլիս, յետոյ Հռոմ, միայն թէ այս երդուեալ դատաւորութեան ժամանակը շուտով անց կենար: Եւ այդ գործը մի կերպ կարգի գցուէր փաստաբանի օգնութեամբ»:

Եւ յանկարծ նրա երևակայութեան մէջ չափազանց կենդանի կերպով պատկերացաւ կալանաւոր Մասլօվան իր սև ու շիւ աչքերով: Ինչպէս լաց եղաւ խեղճը մեղադրեալների վերջին խօսքի ժամանակ: Նեխիլեզովը շտապ-շտապ ճմուռն ծխած պապիրօսը, հանգցնելով մոխրամանի մէջ, յետոյ կայքեց մի ուրիշը ու սկսեց յետ ու առաջ ման դալ սենեակի մէջ: Եւ մէկ մէկի յետեից սկսեցին պատկերանալ նրա երևակայութեան մէջ Մասլօվայի հետ անց կացրած րոպէները: Յիշեց վերջին տեսակցութիւնը նրա հետ, այն անասնական կիրքը, որ այն ժամանակ տիրապետեց իրան, և այն հիասթափութիւնը, որ ինքը զգաց կրքին յագուրդ տալուց յետոյ: Յիշեց սպիտակ զգեստը ու կապոյտ ժապաւէնը, յիշեց Զատիկի ճրագալոյցը:

«Այո, այդ գիշեր ես սիրում էի նրան,—իսկապէս սիրում, լաւ, մաքուր սիրով,—սիրում էի ոչ միայն այդ գիշեր, այլ և առաջ,—և ինչպէս էի սիրում,—այն ժամանակ, երբ առաջին անգամ ապրում էի մօրաքոյրներիս մօտ և շարադրութիւն էի գը-

րումն: Եւ նա յիշեց իրան այնպէս, ինչպէս այն ժամանակն էր: Նա կարծես մի բոպէ զգաց այն ժամանակուան թարմութիւնը, կենսակից ջանելութիւնը, և սիրտը լցուեց կսկծալից տկարութեամբ:

Կարծես ինքը՝ էլ առաջուան մարդը չէր. տարբերութիւնը եղածի և այժմեանի մէջ՝ ահագին էր և նոյնչափ մեծ, եթէ ոչ աւելի, որքան այն տարբերութիւնը, որ կար այն Զատիկ գիշերը ձկնդեցում աղօթող Կատիւչայի և այդ վաճառականի հետ քէֆ արած պոռնիկ կնոջ մէջ, որին իրանք դատում էին այս առաւօտ: Այն ժամանակ ինքը ժիր, աշխոյժ, ազատ մի մարդ էր, որի առաջ բացուած էին անհուն հնարաւորութիւններ, իսկ այժմ նա զգում էր իրան բռնուած յիմար, դատարի, ամենպատակ ու գծում կեանքի ցանցի մէջ, որից նա ոչ մի ելք չէր տեսնում և նոյն իսկ, մեծ մասամբ, դուրս գալ չէր ցանկանում: Նա յիշեց, թէ ինչպէս ինքը մի ժամանակ հպարտանում էր իր չիտակութեամբ, ինչպէս մի ժամանակ կանոն էր դրել իր համար միշտ ճշմարիտն ասել և յիրաւի ճշմարտասօս էր, և թէ ինչպէս այժմ ինքը ամբողջապէս խրուած էր ստութեան մէջ,—ամենասարսափելի ստութեան մէջ, այն ստութեան մէջ, որ իրան շրջապատող բոլոր մարդիկ ճշմարտութիւն էին համարում: Եւ ոչ մի ելք չը կար,—գոնէ նա չէր տեսնում,—այդ ստութիւնից: Եւ ինքը թաղուել էր նրա մէջ, սովորել էր նրան, վայելք էր զգում նրանից:

Ի՞նչպէս վարուէր Մարիա Վասիլիեւնայի և նրա ամուսնու հետ, որպէս զի կարողանար այնուհետեւ առանց ամաչելու նայել այդ ամուսնու և նրա երեխաների երեսին: Ի՞նչպէս առանց ստութեան կանոնաւորէր իր յարաբերութիւնները Միսսիի հետ: Ի՞նչպէս դուրս գար այն հակասութիւնից, որ առաջանում էր նրանից, որ ինքը հողատիրութիւնը ապօրինութիւն էր համարում և միևնոյն ժամանակ տիրում էր մօրից ժառանգած հողերին: Ի՞նչպէս քաւէր իր մեղքը Կատիւչայի առաջ: Զօ չէր կարելի այդ բանը այդպէս թողնել: Չէ կարելի թողնել այն կնոջը, որին ես սիրում էի, և բաւականանալ նրանով, որ փաստաբանի վարձը կը վճարւում ու կ'ազատւում նրան տաժանակիր աշխատանքների պատժից, որին նա անհիմն կերպով է դատապարտուած: Չէ կարելի մեղքը քաւել փողով, չէ կարելի այնպէս վարուել, ինչպէս ես այն ժամանակ վարուեցի, համոզուած լինելով, թէ ինչ որ պէտքն էր արեցի, փող տալով նրան:

Եւ նա վառ կերպով յիշեց այն բոպէն, երբ, միջանցքում հասնելով Կատիւչայի յետևից, փողը ձխտեց նրա ձեռքը ու փա-

խաւ: «Ախ, այդ փողը», սարսափով և զգուանքով, ինչպէս զգացել էր և այն ժամանակ, յիշեց նա այդ բոպէն:—Ախ, ախ, ինչ զգուելի բան էր,—նոյնպէս, ինչպէս և առաջ, բարձրաձայն արտասանեց նա:—Միմիայն լիբը մարդը, սրիկայ մարդը կարող է այդպէս վարուել: Եւ ես եմ, ես, այդ լիբը, այդ սրիկան,—բարձրաձայն արտասանեց նա:—Բայց միթէ յիրաւի,—նա կանգ առաւ մի բոպէ,—միթէ յիրաւի, լիբը մարդ եմ ես: Հապա ինչ եմ,—պատասխանեց նա ինքն իրան:—Եւ միայն այդ է միթէ,—չարունակեց նա դատապարտել ինքն իրան:—Լըբուլիւն չէ, ստորութիւն չէ քո վերաբերմունքը դէպի Մարիա Վասիլիեֆնան և նրա ամուսինը: Իսկ քո վերաբերմունքը դէպի սեփականութիւնդ: Պատրուակ բռնելով, թէ փողերը մօրիցդ են, օգուում ես այն հարստութիւնից, որ ապօրինի ես համարում: Եւ քո ամբողջ անգործ ու անառակ կեանքը: Եւ այդ բոլորի պատկը՝ քո վարմունքը Կատիւչայի հետ: Լիբը մարդ, ստոր մարդ: Նրանք (մարդիկ), ինչպէս ուզում են, թող դատեն իմ մասին, նրանց ես կարող եմ խաբել, բայց ինձ հօ չեմ կարող խաբել»:

Եւ յանկարծ նա հասկացաւ, որ այն զգուանքը, որ ինքը զգում էր վերջին ժամանակ դէպի մարդիկ, մանաւանդ այսօր դէպի Սօֆիա Վասիլիեֆնան, Միսսին ու Կօրնէյը, իսկապէս զգուանք էր դէպի ինքն իրան: Եւ զարմանալի բան է, սեփական ստորութեան այդ գիտակցութեան մէջ բացի ցաւից կար և սփոփիչ ու հանգստացնող զգացմունք:

Այդ առաջին անգամը չէր, որ Նելսիւդօյը զբաղւում էր, ինչպէս ինքն ասում էր, «խիղճը իստակելով»: Այդպէս անուանում էր նա հոգեկան այնպիսի դրութիւն, երբ,—չատ անգամ երկար ժամանակ անցնելուց յետոյ,—յանկարծ զգալով, որ ներքին կեանքը դանդաղ է ընթանում, կամ նոյն իսկ կանգ է առնում, սկսում էր իստակել այն բոլոր փտորը, որ, կիտուելով նրա հոգու մէջ, պատճառ էր դառնում այդ դադարման:

Այդպիսի սթափումներից յետոյ Նելսիւդօյը ամեն անգամ կանոններ էր կազմում իր համար, որոնց մտադրւում էր հետեւել ընդ միշտ,—օրագիր էր գրում և նոր կեանք էր սկսում, որ յուսով էր լինում այլևս չը փոխել երբէք,—turning a new leaf *),—ինչպէս ասում էր նա ինքն իրան: Բայց ամեն անգամ աշխարհի հրապոյրները գրաւում էին նրան, և նա, աննկատելի կերպով, նորից ընկնում էր և յաճախ աւելի ցած, քան առաջ:

Այդպէս նա մի քանի անգամ մաքրուել էր և բարձրացել, առաջին անգամ այդ պատահել էր նրա հետ այն ժամանակ,

*) Նոր էջ բանալով:

երբ նա ամառը եկաւ մօրաբոյրների մօտ: Ամենազուարթուն, ամենաողորունած սթափումն էր այդ: Եւ նրա հետեանքները տեկցին բաւական երկար ժամանակ: Յետոյ նոյնպիսի սթափումն էր այն ժամանակ, երբ նա դուրս եկաւ քաղաքացիական ծառայութիւնից և, անձնազոհութեան տենչով, պատերազմի ժամանակ զինուորական ծառայութեան մտաւ: Բայց այդտեղ հոգին շատ չուտով փոքրակալեց: Յետոյ սթափումն էր այն ժամանակ, երբ նա դուրս եկաւ ծառայութիւնից և գնաց արտասահման ու սկսեց պարապել նկարչութեամբ:

Այն ժամանակից մինչև այդ օրը երկար միջոց էր անցել առանց իստակման, ուստի և երբէք նրա հոգին այդքան փսփրակալած չէր եղել, երբէք այնպիսի հակասութիւն չէր եղել այն բանի մէջ, ինչ որ պահանջում էր նրա խիղճը, և այն կեանքի մէջ, որ նա վարում էր: Այժմ նա տեսաւ այդ ահագին տարբերութիւնը և սարսափեց:

Այդ տարբերութիւնը այնքան մեծ էր, նրա հոգին այնքան էր աղտոտուել, որ առաջին բուռին նա յոյս չուներ, թէ կարող է այլ ևս մաքրել այդքան աղտը: «Չէ որ արդէն փորձ արեցիր կատարելագործուել, աւելի լաւ մարդ դառնալ, ու ոչինչ դուրս չեկաւ,—ասում էր նրա հոգու մէջ հրապուրչի ձայնը,—էլ ի՞նչ միտք ունի նորից փորձել: Հօ մենակ դու չես. ամենքն են այդպէս, կեանքն է այդպէս», ասում էր այդ ձայնը: Բայց այն ազատ, հոգեկան էակը, որ է միակ ճշմարիտը, միակ հօրօրը, միակ յաւիտենականը, արդէն զարթել էր Նիխիլիզմի մէջ: Եւ նա չէր կարող չը հաւատալ այդ էակին: Որքան էլ ահագին լինէր տարածութիւնը այն բանի մէջ, որ նա էր, և այն բանի մէջ, որ նա ուզում էր լինել,—զարթած հոգեկան էակի համար ամեն ինչ հնարաւոր էր թւում:

«Կը պատռեմ այդ ստութեան ցանցը, որ կաշկանդում է ինձ, կը պատռեմ, ինչքան էլ ծանր լինի այդ ինձ համար, ամեն բանում և ամենքին կ'ասեմ միայն ճշմարիտը և կ'անեմ միայն այն, ինչ որ արդար է,—վճռողաբար ու բարձրաձայն ասաց նա ինքն իրան:—Շիտակ կ'ասեմ Միսսիին, որ ես անառակ մարդ եմ և չեմ կարող պատկուել նրա հետ ու մինչև այժմ դուր էի տանջում նրան. կ'ասեմ Մարիա Վասիլիեֆնային (ազնուականութեան պարագլխի կնոջը),—չէ, նրան աւելորդ է ասելը,—կ'ասեմ նրա մարդուն, որ լիբը արարած եմ և խաբում էի նրան. ժառանգութեանս վերաբերմամբ այնպէս կը կարգադրեմ, որ արդար լինի: Կատիւչային կ'ասեմ, որ ես լիբը մարդ եմ ու մեղաւոր եմ նրա առաջ, և ձեռքիցս եկած ամեն բան կ'անեմ

նրա վիճակը թեթևացնելու համար: Այո, կ'երթամ, կը տեսնուեմ հետը ու ներողութիւն կը խնդրեմ: Այո, ներողութիւն կը խնդրեմ, ինչպէս խնդրում են երեխաները»:

Նա կանգ առաւ:

— Կը պատկուեմ հետը, եթէ որ պէտք լինի:

Նա կանգ առաւ, ձեռները կցեց, ինչպէս անում էր փոքրիկ ժամանակը, բարձրացրեց աչքերը դէպի վերն և ասաց.

— Տէր, օգնիր ինձ, խելամուտ արա ինձ, եկ և բնակիր իմ մէջ, և մաքրիր ինձ ամեն պղծութիւնից:

Նա աղօթում էր, աղաչում էր Աստուծոց օգնել իրան, մաքրել իրան, և սակայն արդէն կատարուել էր նրա խնդրածը: Նա զգաց ոչ միայն ազատութիւն, զուարթութիւն և կեանքի բերկրութիւն, այլ և բարիի ամբողջ զօրութիւնը: Նա այժմ ընդունակ էր զգում իրան անել մարդու ձեռքից եկած բոլոր ամենալաւ բաները:

Նրա աչքերում արտասուէք կար, երբ նա ասում էր ինքն իրան այդ բանը, — և՛ լաւ, և՛ վատ արտասուէք. լաւ, որովհետեւ նրա աղբիւրը հրճուանքն էր, այն գիտակցութիւնը, որ նրա մէջ զարթել էր այն հոգեկան էակը, որ այնքան տարիներ քնած էր նրա մէջ, և վատ, որովհետեւ նրա աղբիւրը խանդաղատումն էր իր անձի վրայ, իր առաքինութեան վրայ:

Նա չոք զգաց: Մօտեցաւ պատուհանին ու բաց արեց: Պատուհանը նայում էր պարտէզին: Հանդարտ ու զով լուսնկայ գիշեր էր: Փողոցում ինչ-որ կառքի գոռոց լսուեց ու յետոյ ամեն ինչ խաղաղուեց: Ուղիղ պատուհանի տակին երևում էր բարձր սօսիի տերևաթափ ձիւղքերի ստուերը, որ իր բոլոր ծուռ ու մուռ խաղերով որոշ նկատւում էր մաքրած հրապարակի աւազի վրայ: Զախակողմում երևում էր կառքատան կտուրը, որ սպիտակ էր թւում լուսնի պայծառ լոյսով. դէպի առաջակողմը երևում էին ծառերի իրար խճճուած ձիւղքերը, որոնց յետևից տեսնւում էր ցանկապատի սև ստուերը: Նեխլիւդով նայում էր լուսնի շողքերով լուսաւորուած պարտէզին ու կտուրին, նայում էր սօսիի ստուերին, ականջ էր դնում լսուող ձայներին և ծրծում դրսևի թարմ ու կենդարար օդը:

«Ի՜նչ լաւ է, ի՜նչ լաւ է, Տէր Աստուած, ի՜նչ լաւ է», ասում էր նա ինքն իրան այն բանի մասին, որ զգում էր իր հոգու մէջ:

XXIX

Անսովոր տեղովը տասնհինգ վերստ քարած փողոցներով անցնելուց յետոյ Մալուխան, հասաւ բանտը միայն երեկոյեան ժամի 6-ին, յոգնած ու ցաւատանջ ոտներով, քաղցած փորով և սպանուած՝ անսպասելի խիստ դատաւճռից։

Երբ, դեռ նիստի ընդմիջումներից մէկի ժամանակ, սպասաւորները նրա մօտ նախաճաշում էին, ցամաք հաց ու պղպաձա՝ ձու ուտելով, նրա բերնի ջուրը սկսեց գնալ և նա զգաց, որ ինքը քաղցած է, բայց իր համար ստորացուցիչ էր համարում նրանցից ուտելու բան խնդրել։ Իսկ երբ մի երեք ժամ էլ անցաւ դրա վրայ, էլ քաղցը անց կացաւ և նա թուլութիւն էր միայն զգում։ Այդ դրութեան մէջ էր նա, երբ լսեց անակնկալ դատաւճիռը։ Առաջին բոլէին նա կարծեց, թէ սխալ է լսել, չէր կարողանում միանգամից հաւատալ լսածին, չէր կարողանում կապել իր մտապատկերը տաժանապարտի մտապատկերի հետ։ Բայց տեսնելով դատաւորների հանգիստ ու գործադրադ դէմքերը, տեսնելով, որ երգուեալ ատենակալներն էլ այդ վճիռը ընդունեցին իբրև ամենաբնական մի բան, նա վրդովուեց ու աղաղակեց բարձրաձայն, որ ինքը մեղաւոր չէ։ Տեսնելով և այն, որ իր աղաղակն էլ ընդունուեց իբրև բոլորովին բնական ու սպասելի բան, որ ոչինչ փոփոխութիւն չէր կարող առաջ բերել, նա լաց եղաւ, զգալով, որ պէտք է հպատակուել իր վրայ կատարուած անարդարութեանը, որ այնքան անդուլթ բան էր և այնքան զարմանք ազդեց իրան։ Զարմացում էր նրան մանաւանդ այն, որ իրան այդպէս անդթաբար դատապարտեցին տղամարդիկ, — ջահէլ, ոչ ծեր տղամարդիկ, այն տղամարդիկ, որոնք միշտ այնքան փաղաքշարար էին նայում նրա վրայ։ Դրանցից մէկին, — դատախազի օգնականին, — նա մի ժամանակ բոլորովին ուրիշ տրամադրութեան մէջ էր տեսել։ Հէնց այսօր էլ, այն միջոցին, երբ նա կալանաւորների սենեակում նստած սպասում էր դատի սկսուելուն, ինչպէս նաև նիստի ընդմիջումների ժամանակ, նա տեսնում էր, թէ ինչպէ՞ս այդ տղամարդիկ, ձևացնելով, թէ ուրիշ գործով են գնում, անց էին կենում դռան մօտով կամ մտնում էին սենեակը միմիայն այն նպատակով, որ նայէին նրա վրայ։ Եւ յանկարծ այդ նոյն տղամարդիկ ինչ-որ պատճառով դատապարտեցին նրան տաժանակիր աշխատանքների, չը նայելով, որ նա անմեղ էր այն բանում, ինչում նրան մեղադրում էին։ Նա սկզբում լալիս էր, բայց յետոյ հանդարտուեց և կատարեալ բթացման դրութեան մէջ նստած կալանա-

ւորների սենեակում՝ սպասում էր, որ բանտ ուղարկեն իրանց։ Մի բան էր միայն այժմ ուզում նրա սիրտը,—ծխել։ Նրան այդ դրութեան մէջ գտան Բօչկովան ու Կարտինկինը, որոնց, դատավճիռը կարդալուց յետոյ, բերեցին նոյն սենեակը։ Բօչկովան խսկոյն և եթ սկսեց հայնոյել Մասլովային ու տաժանապարտ անուանել նրան։

—Հը, շատ բան ընկաւ ձեռքդ։ Արդարացնո՛ւ։ Հօ չը կարողացար դուրս պրծնել, անգգամ։ Հօ կերար, արժան պատիժդ ստացար։ Սիբիրում հօ չես կարող շարունակել ֆրանսուէրինդ։

Մասլովան նստած էր, ձեռքերը խալաթի թևքերի մէջ խրած ու գլուխը ցած քաշ արած և անշարժ նայում էր, երկու քայլահափ դէպի առաջ, կոխոտուած տախտակամածին։ Լսելով Բօչկովայի հայնոյանքը, նա ասաց միայն.

—Ես հօ ձեռք չեմ տալիս ձեզ, դուք էլ հանգիստ թողէք ինձ։ Ես հօ ձեռք չեմ տալիս ձեզ,—կրկնեց նա մի քանի անգամ ու յետոյ բոլորովին լռեց։ Կենդանացաւ նա միայն այն ժամանակ, երբ Բօչկովային ու Կարտինկինին տարան ու ներս մտաւ սպասաւորը, որ երեք ռուբլի փող բերեց նրան։

—Դո՛ւ ես Մասլովան,—հարցրեց նա։

—Ա՛ռ, աղջիկաբոնը ուղարկեց քեզ,—ասաց նա, տալով փողը։

—Ի՞նչ աղջիկաբոն։

—Ի՛նչ վեր կալ, գլուխ չունեմ քո հետ երկար ու բարակ խօսելու։

Այդ փողը Կիտաեվան էր ուղարկել։ Դատարանից դուրս գալիս նա դիմեց դատական պրիստաւին, հարցնելով, թէ կարո՞ղ էր արդեօք մի քիչ փող ուղարկել Մասլովային։ Դատական պրիստաւին ասաց, որ կարող է։ Թոյլտուութիւնը ստանալով, Կիտաեվան թխլիկ ու սպիտակ ձեռքից հանեց քարայծենիի (заячье) երեք կոճակաւոր ձեռնոցը, մետաքսէ չրջազգեստի յետեր գրպանից հանեց մօդայաձև քսակը և իր վաստակած արժէթղթերից նոր կտրած կտրօնների բաւական մեծ քանակութիւնից ընտրելով մէկը,—2 ռ. 50 կ. արժողութեամբ,—ու աւելցնելով վրան երկու քսան կոպէկանոց ու մի հատ տաս կոպէկանոց, տուեց պրիստաւին։ Պրիստաւը կանչեց սպասաւորին ու նուիրատուի ներկայութեամբ յանձնեց այդ փողը նրան։

—Խնդրեմ, ճշտութեամբ յանձնէք,—ասաց Կարօլինա Ալբերտովնան սպասաւորին։

Սպասաւորը նեղացաւ այդ անփստահութիւնից, և այդ էր պատճառը, որ նա այնպէս զայրացած խօսեց Մասլովայի հետ։

Մասլովան ուրախացաւ փող ստանալով, որովհետեւ այդ

փողով նա կարող էր ձեռք բերել այն, որ նրա միակ ցանկութեան առարկան էր այժմ:

«Ա՛խ, մի կերպ պապիրոս ընկնէր ձեռքս ու ծուխը ծծէի», մտածում էր նա և նրա բոլոր մտածմունքները կենտրոնացան ծխելու ցանկութեան վրայ: Այնքան սաստիկ էր նրա մէջ այդ ցանկութիւնը, որ նա ագահաբար ներս էր ծծում օդը, երբ նրա մէջ զգացում էր թութունի ծխի հոտ, որ լցւում էր միջանցքը առանձնասենեակի դռնից: Բայց պէտք եղաւ դեռ երկար սպասել, որովհետեւ քարտուղարը պէտք է նրան բաց թողնէր գնալու, իսկ նա մոռացել էր մեղադրեալների մասին և սկսել էր փաստաբաններից մէկի հետ խօսել ու վիճել ինչ-որ յօդուածի մասին:

Վերջապէս, ժամի 4-ից անց նրան բաց թողեցին և նրան ուղեկցող երկու պահապան զինուորները դուրս տարան նրան դատարանի յետին դռնից: Դեռ դատարանի սրահից դուրս չեկած, Մասլովան 20 կոպէկ տուեց զինուորներից մէկին ու խնդրեց հաց ու պապիրոս առնել: Զինուորը ծիծաղեց, վերցրեց փողը ու ասաց՝ «Շատ լաւ, կ'առնեմ», և յիրաւի ագնուաբար առաւ հացն էլ, պապիրոսն էլ ու յետ տուեց փողի մնացորդը: Ճանապարհին չէր կարելի ծխել, այնպէս որ բանտին մօտենալիս էլ Մասլովան զգում էր ծխելու՝ յագուրդ չը ստացած սաստիկ ցանկութիւն: Այն միջոցին, երբ նա հասաւ բանտի դռանը, երկաթուղու գնացքից բերեցին հարիւրի չափ կալանաւորներ: Միջանցքում նա հանդիպեց նրանց:

Կալանաւորները—միրութաւոր ու ածիլուած, ծեր ու երիտասարդ, ռուս ու ալլադգի, ոմանք՝ գլուխների կէսը ածիլած—մտան նեքս զրնգզրնգայնելով ոտների շղթաները և լցրեցին սրահը փոշիով, ոտնաձայնով, խօսակցութեան աղմուկով և քրտինքի կծու հոտով: Մասլովայի կողքով անցնելիս նրանք՝ բոլորն էլ չուռ էին գալիս, նայում նրան, իսկ ոմանք մօտենում էին նրան ու սկսում հետն ընկնել:

—Ա՛յ աղջիկ, լաւն է, ես իմ Աստուածը,—ասաց մէկը: —Բարեւ, քեռակին,—ասաց մի ուրիշը, աչքով անելով: Մէկն էլ,—սե բեխերով, ածիլած երեսով ու կապոյտին տուող ածիլած ծործորակով մի թուխ-թուխ կալանաւոր,—վազ տուեց նրա մօտ, զրնգզրնգան շղթաների մէջ կապ ընկնող ոտներով, ու գրկեց նրան:

—Հը՞, չը ճանաչեցիր սիրեկանիդ: Բաւական է քրքրուես, բացականչեց նա, ժանիքները բաց անելով ու աչքերը պսպղացնելով, երբ Մասլովան յետ հրեց նրան:

—Այդ ինչ ես անում, սրիկայ,—գոռաց, յետևից մօտենալով, բանտապետի օգնականը։

Կալանաւորը կուչ եկաւ ու ձեռաց յետ քաշուեց։ Իսկ օգնականը վրայ պըծաւ դէպի Մասլօվան։

—Դու ինչ ես անում այստեղ։

Մասլօվան ուզում էր ասել, որ իրան նոր բերեցին դատարանից, բայց այնպէս յոգնել էր, որ ալարում էր խօսել։

—Դատարանիցն է, ձերդ բարեծննդութիւն,—ասաց ուղեկցող զինուորներէից աւագը, դուրս գալով անցնողների առջևը և ձեռքը տանելով գլխարկին։

—Դէ ուրեմն յանձնիր գլխաւոր բանտապահին։ Թէ չէ ինչ անկարգութիւն է այդ։

—Լսում եմ, ձերդ բարեծննդութիւն։

—Սօկօլօվ։ Ընդունիր,—գոռաց բանտապետի օգնականը։

Գլխաւոր բանտապահը մօտեցաւ, բարկացած հրեց Մասլօվայի ուսին ու, գլխով նշան անելով, տարաւ նրան կանանց միջանցքը։ Կանանց միջանցքում նրան ոտից մինչև գլուխ տընտղեցին, խուզարկեցին և վրան ոչինչ չը գտնելով (պապիրօսի արկղիկը խրել էր հացի մէջ), ներս տարան նոյն սենեակը, որտեղից նա դուրս էր եկել առաւօտեան։

XXX

Մասլօվայի կալանաւորութեան սենեակը 9 արշին երկայնութեամբ ու 7 արշին լայնութեամբ մի երկարուկ սենեակ էր՝ երկու պատուհանով, դուրս ընկած ու գաջը վրայից թափած վառարանով և չորացած տախտակներից բաղկացած տախտերով, որոնք բռնում էին ամբողջ տարածութեան երկու երրորդական մասը։ Մէջտեղում, դռան դիմացը, կար մի հատ մթնագոյն սուրբ պատկեր, որին մի մեղրամոմ էր կպցրած, իսկ մոմի տակը կախուած էր անթառամ ծաղիկների մի փոշոտած փունջ։ Դռան յետևում ձախակողմը տախտակամածի վրայ երևում էր մի սևացած տեղ, ուր զրուած էր մի դարչահոտ աման։ Հէնց նոր տեղի էր ունեցել վերաստուգումը և կանանց արդէն կողպել էին իրանց սենեակներում գիշերուան համար։

Այդ սենեակում տասնհինգ հոգի էին կենում,—տասներկու կին և երեք երեխայ։

Դեռ բոլորովին լոյս էր և կանանցից միայն երկուան էին պառկած տախտերի վրայ, մէկը,—խալաթը գլխին քաշած,—մի խենթ կին էր, որին կալանաւորել էին անցագիր չունենալու։

համար,—դա միշտ քնած էր լինում,—միւսը՝ մի թորախտաւոր, որ բանտարգելութեան էր դատապարտուած գողութեան համար: Այդ մէկը քնած չէր, այլ միայն պառկել էր, խալաթը գլխատակը դրած ու աչքերը լայն բացած, և չը հազարու համար մեծ դժուարութեամբ զսպում էր խուխը, որ լցրել էր կոկորդը ու խուտուտ էր ածում: Մնացած կանայք,—բոլորն էլ գլխաբաց ու միայն անթափ քաթանէ շապիկներ հագած,—ոմանք տախտերի վրայ նստած կար էին անում, ոմանք էլ պատուհանի մօտ կանգնած նայում էին բակովը անցնող կալանաւորներին վրայ: Կար անող երեք կանանցից մէկը, Կօրաբլեօվան, Մասլօվային ճանապարհ դնող պառաւն էր, մռայլ տեւքով, խոժոռուած ու խորշումած դէմքով, կղակի տակին տոպրակի նման կախուած կաշիով, բարձր հասակով, քունքերի կողմը սպիտակ ընկած չէկ մազերի կարճ ծամով ու թշի վրայ մազոտ խալով մի կին: Այդ պառաւը տաժանակիր աշխատանքների էր դատապարտուած մարդուն կացինով սպանելու համար: Իսկ մարդուն սպանել էր այն պատճառով, որ նա ծուռ մտքով էր սկսել վարուել նրա աղջկայ հետ: Կօրաբլեօվան այդ սենեակի ընտրուած վերակացուն էր և խմիչքեղէն էր ծախում իր ընկերուհիներին: Նա կարում էր ակնոցը աչքերին և ասեղը գիւղացաւարի բռնած իր մեծ աշխատաւոր ձեռքերում—երեք մատով հուպ տուած ու ծայրը դէպի ինքը: Նրա կողքին նստած նոյնպէս քաթանէ տոպրակներ էր կարում կարճ հասակով, պահոյ քթով և մանր ու սև աչքերով մի սևաւուն բարեհոգի ու շատախօս կին: Դա առաջ ծառայում էր երկաթուղու գծի վրայ և դատապարտուած էր երեք ամիս բանտարկութեան, որովհետև գնացքը անցնելիս չէր դուրս եկել ու դրօշակը ցոյց տուել և գնացքին զժբախտութիւն էր պատահել: Կար անող կանանցից երրորդը Ֆեդօսեանն էր,—Ֆենիչկան, ինչպէս նրան անուանում էին ընկերուհիները,—սպիտակ ու կարմիր երեսով, մանկական պայծառ ու կապտագոյն աչքերով և փոքրիկ գլխի շուրջը փաթտուած երկու երկար ու չէկ հիւսերով մի բոլորովին ջահել ու շատ սիրունատես կին, որ բանտ էր ընկել, որովհետև փորձ էր արել մարդուն թունաւորել: Նրան մարդու էին տուել 16 տարեկան մատաղ հասակում և նա այդ փորձն արել էր պատկուելուց անմիջապէս յետոյ: Այն 8 ամսուայ ընթացքում, երբ նա երաշխաւորութեամբ բաց թողնուած սպասում էր դատին, նա ոչ միայն հաշտուել էր իր մարդու հետ, այլ և սկսել էր այնպէս սիրել նրան, որ երբ դատի ժամանակը հասաւ, նա ու մարդը ապրում էին իրար հետ ամենայն քաղցրութեամբ ու սիրով: Չը նայելով, որ թէ մարդը, թէ սկեսրայրը և թէ մանաւանդ սկեսուրը, որ սկսել

էր սաստիկ սիրել նրան, ամեն կերպ աշխատում էին դատի ժամանակ արդարացնել նրան, դատաւորները դատաւարտեցին նրան տաժարակիր աշխատանքներէ։ Այդ բարի, ուրախ և յաճախաժպիտ ֆեդօսեան, որի տախտը Մաւօվայի տախտի կողքին էր, ոչ միայն սիրեց Մաւօվային, այլ և պարտք էր համարում հոգ տանել նրա վրայ ու ծառայել նրան։ Ուրիշ երկու հոգի էլ անգործ նստած էին տախտերի վրայ, մէկը,—մօտ քառասուն տարեկան, գունատ ու նիհար զէմքով մի կին, որ մի ժամանակ, երևի, շատ սիրուն էր եղել, իսկ այժմ այդպէս նիհար էր ու գունատ,—երեսային գրկած՝ կաթ էր տալիս երկար ու սպիտակ ծծից։ Նրա յանցանքը նրանումն էր եղել, որ երբ նրանց գիւղից տանում էին մի նորակոչ զինուորի, որին, գիւղացիների կարծիքով, ապօրինի կերպով էին զինուոր տանում, ժողովուրդը պրիստաւի ճանապարհը կտրել էր ու այդ նորակոչին խել ձեռքիցը, իսկ այդ կինը, որ ապօրինի կերպով զինուոր տարուողի մօրաքոյրն էր, առաջինն էր եղել այն ձիու սանձը բռնողը, որով տանում էին նորակոչին։ Անգործ նստած կանանցից միւսը մի ամբողջապէս խորշոմակալած բարեհոգի պառաւ էր՝ կարճ հասակով, սպիտակ մազերով ու կուզիկ մէջքով։ Այդ պառաւը նստած էր վառարանի կողքի տախտի վրայ և այնպէս էր ձևացնում, իբր թէ ուզում էր բռնել մազերը կարճ խուզած հաստափոր չորս տարեկան մի աղայի, որ քրքրջալով վազվզում էր նրա մօտով։ Շապկահանց երեկան վազվզում էր նրա մօտով ու շարունակ կրկնում միննոյն խօսքերը —հը, հօ չը բռնեցիր։ Այդ պառաւը, որ իր որդու հետ միասին մեղադրւում էր հրդեհածգութեան մէջ, տանում էր իր բանտարգելութիւնը ամենայն բարեսրտութեամբ, դարդ անելով միայն իր որդու մասին, որ նրա հետ միաժամանակ նստած էր բանտում, բայց աւելի ևս իր ծերուկի մասին, որ, պառաւի կարծիքով, բոլորորին կ'ոջլակալէր, որովհետև հարսը տանից հեռացել էր ու նրան լողացնող չը կար։

Բացի այդ եօթ կանանցից, չորսն էլ կանգնած էին բաց պատուհաններից մէկի մօտ և, երկաթէ վանդակներից բռնած, նշաններով ու ազդակներով բանակցում էին բաւով անցնող նոյն կալանաւորների հետ, որոնց Մաւօվան հանդիպեց բանտը մտնելիս։ Այդ կանանցից մէկը, որ բանտարկութեան էր դատաւարտուած գողութեան համար, մի խոչոր, ծանրալաշ ու կարմրաչէկ կին էր, կախ ընկած կաշով, սպիտակադեղնագոյն ու պեպէնտ երեսով, կոնքերով ու հաստ վզով, որ դուրս էր ցցւած բաց օձիքի մէջից։ Նա պատուհանի միջով խռպոտ ձայնով գոռոգում էր, արտասանելով անվայել խօսքեր։ Նրա կող-

քին կանգնած էր մի՝ տաս տարեկան աղջկայ հասակ ունեցող անչէնք անշնորհք ու սևուկ կալանաւորուհի, երկար մէջքով ու բոլորովին կարճ ոտներով: Նրա դէմքը կարմիր էր ու բծոտ, աչքերը սև ու իրարից հեռու-հեռու և չրթունքները կարճ ու հաստ, այնպէս որ չէին ծածկում սպիտակ ու դուրս ցցուած ատամները: Նա ծղրտածայն ու ընդհատ-ընդհատ ծիծաղում էր, նայելով այն բանին, ինչ որ կատարւում էր բակում: Այդ կալանաւորուհին, որ պճնամոլութեան պատճառով Խօրօշավկա էր կոչւում, դատի էր ենթարկուած գողութեան և հրկիզութեան համար: Նրանց յետին կանգնած էր մի ողորմելի տեսքով, սատիկ կեղտոտ մոխրագոյն շապկով ու անագին փորով նիհար ու ջլուտ յղի կին, որ դատի էր ենթարկուած ուրիշի արած գողութիւնը ծածկելու համար: Այդ կինը չէր խօսում, բայց ամբողջ ժամանակը խրախուսաբար ու խանդաղատօրէն ժպտում էր, նայելով այն բանին, ինչ որ տեղի էր ունենում բակում: Պատուհանի մօտ կանգնած չորրորդ կալանաւորուհին, որ պատժի էր ենթարկուած գաղանի գինեկանաութեան համար, մի թիկնաւէտ ու կարճահասակ գեղջկուհի էր սաստիկ դուրս պրծած աչքերով և բարեհոգի դէմքով: Այդ կինը, — որ այն պառաւի հետ խաղացող տղայի մայրն էր և բացի այդ տղայից մի եօթ տարեկան աղջիկ էլ ունէր ու երկուսին էլ հետը բերել էր բանտը, որովհետև տանը ոչ ոք չը կար, որ մօտը թողնէր, — միւսների նման նոյնպէս նայում էր պատուհանից, բայց չէր դադարեցնում գուլպայ գործելը և հակալիրութեամբ խոժոռւում էր ու փակում աչքերը, լսելով բակովը անցնող կալանաւորների ասածները: Իսկ նրա եօթ տարեկան հերարձակ չէկ աղջիկը, որ շապկահանց կանգնած էր կարմրաչէկ կնոջ կողքին և փոքրիկ ու վտիտ ձեռքովը բռնած նրա ներքնագգեմտից, յառած աչքերով ուշադրութեամբ ականջ էր դնում այն հայհոյական խօսքերին, որ կալանաւոր կանայք ու տղամարդիկ ասում էին իրար, և շշուճով, կարծես անգիր անելու համար, կրկնում էր մտքում: Տասներկուերորդ կալանաւորուհին, որ տիրացուի աղջիկ էր, խեղդել էր իր զաւակին ջրհորում: Դա մի բարձրահասակ ու գեղակազմ աղջիկ էր դուրս պրծած աչքերով և խճճուած մազերով, որոնք դուրս էին պրծած կարճ ու հաստ չիկագոյն հիւսի մէջից: Նա, առանց ամենևին ուշադրութիւն դարձնելու իր շուրջը կատարուածի վրայ, բոբիկ ու միայն մի կեղտոտ մոխրագոյն շապիկ հագին, յետ ու առաջ էր գնում սենեակի ազատ մնացած տեղում, յանկարծ արագ շուռ գալով, պատին հասնելիս:

XXXI

Երբ կողպէքը զընգաց և Մասլովային ներս քցեցին սենեակը, ամենքը շուռ եկան նրա կողմը։ Նոյն իսկ տիրացուի աղջիկը մի րոպէ կանգ առաւ, յօնքերը վեր բարձրացնելով նայեց Մասլովային, բայց ոչինչ չասաց ու իսկոյն սկսեց յետ ու առաջ գնալ իր լաշն-լաշն ու վճռական քայլերով։ Կօրարկեօվան ասեղը խրեց անթափ քաթանի մէջ ու հարցական հայեացքը ակնոցի միջով յառեց Մասլովայի վրայ։

— Է՛հ, վերադարձար։ Իսկ ես կարծում էի, թէ կ'արդարացնեն,— ասաց նա իր խոպոտ ու հաստ, գրեթէ առնական ձայնով։— Ինչպէս երեւում է, Սիբիր են վճռել։

— Ես ու մօրաքոյրն էլ, հոգիս, խօսում էինք, թէ կարելի է յանկարծ ազատ թողնեն։ Աշխարհք է, ինչ ասես որ չի լի։ Նի։ Մարդ որ բարի ժամին է պատահում, դեռ փող էլ են տալիս,— իսկոյն սկսեց խօսել իր երգեցիկ ձայնով բանտապահունին։— Բայց մեր կարծածի հակառակը դուրս եկաւ։ Աստուծու բաներն է, հոգիս, ո՞վ կարող է իմանալ,— միալար խօսում էր նա իր փաղաքշէլ ու քաղցր ձայնով։

— Մի՞թէ դատապարտեցին,— կարեկից քնքշութեամբ հարցրեց Ֆեդօսեան, իր բաց-կապտագոյն մանկական աչքերով նայելով Մասլովային, և նրա ամբողջ զուարթ ու մատղաշ դէմքը այնպէս այլայլուեց, կարծես թէ նա պատրաստում էր լալ։

Մասլովան ոչ մի պատասխան չը տուեց և լուռ անցաւ գնաց իր տեղը, որ ծայրից երկրորդն էր, Կօրարկեօվայի կողքին, ու նստեց իր տախտի վրայ։

— Ով գիտի իսկի բան չես կերել,— ասաց Ֆեդօսեան, տեղիցը վեր կենալով ու մօտենալով Մասլովային։

Մասլովան, առանց պատասխան տալու, ձեռքի հացը դրեց գլխավերևը ու սկսեց հանուել։— Հանեց փոշոտած խալաթը և սև ու գանգուր մագերի վրայից կապած գլխաշորը ու նրստեց։

Տախտի միւս ծայրում երեսայի հետ խաղացող կուղիկ պառաւը նոյնպէս մօտեցաւ Մասլովային ու կանգնեց նրա դիմացը։

— Տ՛ը, ց՛ը, ց՛ը,— բացականչեց նա, կարեկցաբար թափ տալով գլուխը։

Տղան նոյնպէս մօտեցաւ պառաւի յետևից և լաշն չռելով աչքերը ու անկիւնաձև դուրս ցցելով վերին չրթուէքը, աչքը տնկեց Մասլովայի բերած հացերի վրայ։ Այն բոլորից յետոյ,

ինչ որ պատահել էր այդ օրը իրան, տեսնելով այդ բոլոր համակիր դէմքերը, Մասլովան քիչ մնաց որ լար և նրա շրթունքները գողգողացին։ Բայց նա աշխատում էր զսպել լացը և կարողանում էր զսպել, մինչև այն ժամանակ, երբ մօտեցան նրան պառան ու փոքրիկ տղան։ Բայց երբ լսեց պառանի բարի ու կարեկցական բացականչութիւնը և մանաւանդ երբ աչքերը հանդիպեցին երեխայի աչքերին, որ իր լուրջը հայեացքը հացերից դարձրել էր նրա վրայ, նա այլ ևս չը կարողացաւ լացը պահել։ Ամբողջ դէմքը գողգողաց և նա սկսեց հեկեկալ։

— Ես քեզ ասում էի, որ կարգին փաստաբան գտնես, — ասաց Կօրաբլեօվան։ — Հը, Սիբիր վճռեցին, — հարցրեց նա։

Մասլովան ուզում էր պատասխանել, բայց չը կարողացաւ և առանց խօսելու, հեկեկալով, հանեց հացի մէջից պապիրօսնեւրի արկղիկը, որի վրայ նկարուած էր մի շատ բարձր սանրուած մագերով ու եռանկիւնաձև բաց կրծքով կարմրերես կին, ու տուեց Կօրաբլեօվային։ Կօրաբլեօվան նայեց պատկերին, յանդիմանօրէն շարժեց գլուխը, գլխաւորապէս այն բանի համար, որ Մասլովան այդպէս անպէտք կերպով էր ծախսում փողերը, և մի պապիրօս հանելով, կպցրեց՝ լամպի վրայ բռնելով ներս ծծեց ծուխը ու յետոյ տուեց Մասլովային։ Մասլովան, առանց լացը դադարեցնելու, սկսեց աղահաբար կում-կում ծծել ու յետոյ բաց թողնել թութունի ծուխը։

— Տաժանակիր աշխատանքներ, — ասաց նա հեծկտալով։

— Աստուած չունեն այդ անիծած արիւնխոտում գազանները, — ասաց Կօրաբլեօվան։ — Անմեղ տեղը Սիբիր են քչում խեղճ աղջկան։

Այդ ժամանակ մի բարձրաձայն քրքիջ լսուեց պատուհանի մօտ մնացած կանանց կողմից։ Փոքրիկ աղջիկն էլ էր ծիծաղում և նրա մանկական բարակ ծիծաղը խառնւում էր մեծերի խնայոտ ու ծղրտաձայն ծիծաղին։ Բակում եղող կալանաւորը այնպիսի մի բան էր արել, որ պատճառ էր դարձել այդ քրքիջին։

— Այ գու էլի ձագ։ Տես թէ ինչ է անում, — ասաց կարմրաչէկ կինը ու օրօրուելով իր ամբողջ գէր մարմնով և երեսը վանդակին կպցրած, սկսեց աղաղակելով արտասանել անմիտ ու անվայել խօսքեր։

— Ինչ ես ձայնդ գլուխդ քցել, թմբուկի կաշի, — ասաց Կօրաբլեօվան, գլուխը թափ տալով կարմրաչէկ կնոջ վրայ, ու յետոյ — նորից դարձաւ դէպի Մասլովան։ — Բանի տարով։

— Չորս, — ասաց Մասլովան, ու արտասանքները սկսեցին այնքան առատ հոսել, որ մի կաթիլ ընկաւ պապիրօսի վրայ։

Մասլովան բարկացած ձմռեց ու դէն քցեց այդ պապիրօսը
և վերցրեց ուրիշը:

Բանտապահուէին, չը նայելով, որ ինքը չէր ծխում, իսկոյն
վերցրեց գետնից թերծուխ պապիրօսը ու սկսեց շիտկել ու հե-
տըն էլ խօսել:

— Ինչպէս երևում է, հոգիս,—ասում էր նա,—ծիշտ որ
արդարութիւնը խոզերը կերել են: Ինչ ուզում են՝ անում են:
Իսկ մենք գուշակում էինք, թէ բաց կը թողնեն: Մատֆեեֆնան
ասում էր բաց կը թողնեն, իսկ ես ասում էի, չէ, հոգիս, սիր-
տըս վկայում է, որ կը կորցնեն. իմ ասածը դուրս եկաւ,—ա-
սում էր նա, ակնեբրևարար առանձին հաճոյքով լսելով իր ձայնի
եկեջները:

Այդ ժամանակ արդէն բոլոր կալանաւորները անցել էին
բակովը և նրանց հետ խօսող կանայք հեռացել էին պատուհա-
նից ու մօտեցել Մասլովային: Առաջինը մօտեցաւ դուրս պրծած
աչքերով գաղտնի գինեկաճառ կինը իր փոքրիկ աղջկայ հետ:

— Հը՞, շատ թունդ վճռեցին,—հարցրեց նա, նստելով
Մասլովայի կողքին ու շարունակելով արագ-արագ գործել գուլ-
պան:

— Փող որ չը լինի, ի հարկէ թունդ կը վճռեն: Փող որ
ունենար ու մի ճարպիկ փամտաբան վարձէր, անպատճառ կար-
դարացնէին,—ասաց Կօրաբլեօվան:—Այն,—ո՞նց է անունը,—
փրչոտ ու մեծաքիթ փաստաբանը ում ասես որ ջրիցը չոր-չոր
չը հանի: Այ եթէ նրան վարձած լինէր:

— Ո՞նց չէ, կը վարձէր,—ժանիքները բանալով՝ ասաց Խօ-
րօշավկան, որ նոյնպէս եկել նստել էր նրանց կողքին,—նրան՝
որ հազարից պակաս տաս, թքել էլ չի ուզի:

— Էհ, ինչպէս երևում է ճակատիդ գիրն է այդպէս,—մէջ
մտաւ հրկիզութեան համար բանտարկուած պառոււր:—Տղիս ձեռ-
քից այն անիծածը կնկանը խլեց ու դեռ իրան էլ բանտը դրեց,
որ այստեղ ոջիլներ շատացնի, ինձ էլ, օր ծերութեան նրա հետ,
—հարիւրերորդ անգամ սկսեց նա պատմել իր գլխին եկածը:—
Ասած է, որ մուրացկանութիւնից ու բանտից փախչել չի լինի:
Կամ դոնէ դուռ պէտք է ման գաս, կամ բանտը նստես:

— Երևում է, դրանք միշտ այդպէս են,—ասաց գաղտնի
գինեկաճառը և նայելով աղջկայ գլխին, գուլպան մի կողմ դրեց,
աղջկան քաշեց ոտների արանքը ու սկսեց արագ-արագ քուլթու-
թել նրա գլուխը:—Ասում են, «ինչու ես գինի ծախում»: Հապա
ինչով պէտք է երեխաներիս պահէի,—ասում էր նա, շարունա-
կելով իր սովորական գործը:

Նրա այդ խօսքերը Մասլովայի միտքը քցեցին գինին:

